



Bongani Mayosi longudokotela wenhlitiyo

Nozuko Mkizwana
Sibusiso Khumalo



Lencwadzi yetindzaba isikhuluma ngadokotela
waseNingizimu Afrika longuBongani Mawethu
Mayosi.


BekanguSosayensi lowatfolo lwati
lolubalulekile ngesifo senhlitiyo.



Bongani watalwa nga-1967, eMthatha eMpumalanga
Kapa eNingizimu Afrika.

Wafundza esikolweni lesisesigodzini
saseNgqamakhwe.


Make waBongani bekangumhlengikati, kantsi babe
wakhe bekangudokotela.



Onkhe malanga ekhaya, batali baBongani bebacoca ngemisebenti yabo.

Wacala kutsandza tindzaba tetemphilo, kanye nekusita bantfu.

Ngenca yekuva ngemisebenti yebatali bakhe, Bongani waba nelutsandvo lweSayensi Yetemphilo.



Esikolweni, Bongani bekatsandza Tibalo kanye neSayensi Yekuphila.


Abetikhandla kuletifundvo ngobe bekafuna kuba ngudokotela.

Watsi angacedza sikolwa, wafundza enyuvesi yaKwaZulu-Natal kanye neyaseKapa. Abengumfundzi lophumelelako.



Bongani watfola umfundzate wekuchubekisela embili tifundvo takhe, eNyuvesi yase-Oxford eNgilandi.

Waphindze wafundza eMelika. Wabese ubuyela eNingizimu Afrika kute asebente njengadokotela. Bekangudokotela lokahle nalonemusa, bekatitsandza tigulane takhe.



Kutsite kusenjalo Bongani waphindze waya ngesheya kwetilwandle.

Bekafuna kufundza kabanti nge-*Cardiology*.

I-*Cardiology* sifundvo senhlitiyo, kanye netifo letihlasela inhlitiyo.

Bongani bekayi-*Cardiologist*-dokotela wenhlitiyo.



Dkt Mayosi wasebenta nalabanye bacwaningi ngesheya kwetilwandle. Batfola intfo letsite lebaluleke kakhulu.

Labacwaningi batfola kutsi yini leyenta labanye bantfu babe nesifo senhlitiyo.

Labakutfola kwasita nalabanye bodokotela emhlabeni wonkhe.



Bongani wabuya eNingizimu Afrika sekanelwati
lolukhetsekile kutekwelapha.

Wasebenta neNdvuna yeLitiko Letemphilo yelive futsi
waniketa teluleko letimayelana netinkinga temphilo
letikhungetse sive.

Liphupho lakhe bekukubona emave ase-Afrika
acatulula tinkinga tawo ngekusebentisa iSayensi.



Bongani bekatetsemba njengaSosayensi wase-Afrika.
Lakutfola nakenta lucwaningo bekubalulekile
emhlabeni wonkhe.

INingizimu Afrika iyawuhlonipha umsebenti wakhe
kanye naloko lakufeza.


Wahlonishwa ngekunikwa umklomelo lomkhulu welive
kuteSayensi, lobitwa nge-*Order of Mapungubwe*.



Bongani bekanguPhrofesa weNhilitiyo eNyuvesi yaseKapa (UCT).

Nakafundzisa, bekahlanganyela lwati lwakhe netijudeni takhe.

Bekabucondza bumatima bebefundzi labanyenti. Wakhutsata bodokotela labasebancane kanye nalabanye labebafundzela iSayensi Yetemphilo.



Phrofesa Mayosi wakhushulelwa esikhundleni sekuba yiNhloko YeSayensi Yetemphilo e-UCT.

Bekahlale amatasatasa enta umsebenti wakhe. Bekanguthishela, umcwaningi, kanye nemholi.

Bongani Mayosi ukhunjulwa bantfu labanyenti njengesibonelo sekulingiswa.



Wafundza esikolweni sasemakhaya, wabangumholi kuSayensi Yetemphilo enyuvesi yaseNingizimu Afrika lesembili.

Waba nguchwepheshe kuSayensi Yetemphilo yemhlaba wonkhe.

Bongani wafinyelela lokunyenti kakhulu ekuphileni, kepha bekatfobekile.



Nasifundza ngeSayensi, sicabanga ngaDkt Mayosi.

Singahlonipha imphumelelo yakhe, kanye
nemphumelelo yaboSosayensi labanyenti base-Afrika.

Singaphindze sihloniphe nekubaluleka kwelwati lwase-Afrika.

—Imibuto

1. Ngubani lolandzisa lendzaba? Lenzaba ikhuluma ngabani?
2. Bongani wacala nini kutsandza temphilo kanye neSayensi, futsi kungani?
3. Iyini i'*cardiology*?
4. Iyini "iSayensi Yetemphilo"? Tfolo lokwengetiwe ngemsebenti lowentiwa kuSayensi Yetemphilo.

—Tincwadzi letikuloluchungechunge

- Andile Mji
- Asnath Mahapa
- Bongani Mayosi
- Charlotte Maxeke
- Mmantsane Moche Diale
- Mulalo Doyoyo
- Tebello Nyokong
- Tshilidzi Marwala

Lenzaba icanjwe yaphindze yabhalwa ngesiXhosa, njengencenye yephrojekthi yetintfo tekufundza te-Zenex Ulwazi Lwethu nga-2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).




NELSON MANDELA
INSTITUTE FOR
EDUCATION AND
RURAL DEVELOPMENT



Your attribution should include the following:
Title: Bongani Mayosi longudokotela wenhliyiyo
Author/s: Nozuko Mkizwana
Translator/s: Simangele Khoza
Illustrator/s: Sibusiso Khumalo
Assurer/s: Mduduzi Benjie Shongwe
Language: Siswati



© Zenex Foundation - Saide 2023

CC BY includes the following elements:
BY  - Credit must be given to the creator

